

آبونه شهر اظفی

ممالك عثمانیه ده سنه لکی (۶۵)، آتی
آیلغی (۳۵) غروشدور .
ممالك اجنبیه ده سنه لکی (۱۷)، آتی
آیلغی (۹) فرانقادر .

اداره خانه

باب عالی جاده سنده دائرة مخصوصه

اظفارات

آبونه بدلی پشیندر

§

مسلكه موافق آثار مع المنونیه قبول
اولنورده درج ایدله یں یازیلر اعاده
اولونماز .

الکتاب

۱۳۳۰

دینی، فلسفی، علمی، ادبی هفته لقی مجموعه اسلامیه در .

والله یهدی من یشاء الی صراط مستقیم

باش محمد
محمد عاکف

صاحب و مدیر
ع . اشرف ادیب

اتبعون اهدکم سبیل الرشاد

عدد ۳۲۶

۲۶ ربیع الاول ۱۳۳۳

پنجشنبه

۲۹ کانون ثانی ۱۳۳۰

جلد ۱۳

اظفارات

رساله منردن آلدیفی کوسترملک
شرطیله بتون یازیلر هر هانکی
برغزته طرفندن اقتباس اولونه بیلیر .

§

مکتوبلرک امضالری واضح
و او قوناقلی اولسی و آبونه صره
نومروسنی محتوی بولونمسی لازمدر

§

ممالك اجنبیه ایچون آبونه اولانلرک
آدرس لرینک فرانسیزجه ده یازلمسی
رجا اولنور .

§

پاره کوندر لیک زمانه یه د اثر اولد
یغناک واضعاً بیلدیرلمسی رجا اولنور .

ایدوب الیوم مصرک (سیوه) نقطه سنه بیتیشن سنوسی مجاهدلریله
سودان، دارفور، بربره مجاهدلرینک سودانده انکلیزلیرک پک فنا
برحاله تضییق ایتمکده اولدقلریده میداندهدر. ان شاءالله یقین زمانده
بومحترم مجاهدلرله عثمانلی قطعاتی قاهره نیک جیزه اوواسنده برلشه جکاری
هان محقق و امر واقع کییدر.

بو دقیقهده، جهان اسلامک هر طرفنده یشایان مسلمانلر ایاقلا نوب
اخذ انتقام ایچون سلاحه صارلدقلری کیفیتی آرتق انکاره محل
براقیه جق حقایق جمله سندندر. قیش موسمی ختام بولوب، ایلمک
بهار طراوت ولطافتیه عرض اندام ایدر ایتمز، اسلام یکتلیری،
مؤمن کتله لری خائن انکلیزلرله ظالم موسقوفلری دمیر چنبرلر ایچنه
آلوب صوک ضربه یی اورده جقلر و آرتق بو ایکی انسانیت و اسلامیت
دشمنلری بردها تاب وتوان براقیه جق صورتده تپه لیه جکلردر.
اسلام و جهاد بایراغی آلتنده، بر امر مقدس دینی اوغورنده،
خالصاً مخلصاً لوجه الله، خلیفه المسلمینک امریله وظیفه نظیفه لری
ایفایچون ایاقلانان یر یوزنده کی مسلمانلری هانکی قوت طور دیره جق؟
جناب حق بو صورتله عظمت و قدرتی ائتلاف کفارینه جلی
بر صورتده طانتدیرمنه عزم ایتمش، مشیت الهیه سی بو وادیده
قرار قیلمشدر. بو او یله بر معجزه باهره درکه، اسلامیتی محو بریشان
ایتمک ایستیانلره، مسلمانلنی اولوم یا تاغنده چیر پنمقده اولدیننی ظن
ایدنلره علوی بر کوسترینله ظن و قیاسلرینک خطا آلود اولدیننی
کوستره جکلدر. موجودیت اسلامیه و مقام خلافتله استهزا ایتمک، و آکا
قارشو او یون اوینامق ایستینلرک پک قولای بر ایشه تشبث ایتمه مش
اولدقلری اکلته جقلدر. بویله آجی تجربه لردن صوکره فاسک،
مصرک، ایرانک، سائر بلاد اسلامیه نیک استیلا و تقسیمنک غیر قابل
هضم بر ایش اولدیننی انکلیز و متفقلری اوکره نه جکلردر.

فرانسزلرک فاسده کی موقعلری او رتبه ضعف و اندیشه یه دوچار
اوله کلشدرکه، فاسده کی قوای عمومیه قوماندانلری بولسان جنرال
(لیوته ی) ایستندیک کی طاورانه مآذون اولدیننه دائر فرانسه
حکومتی طرفندن بر مآذونیک فوق العاده ویرلمشدر. روسیه ده الیوم
حکمرما اولان سلاحتلرله باره سزلق بر طرفدن، داخله باش
کوستروب کوندن کونه توسع پیدا ایدن اختلاللر دیگر طرفدن
موسقوفلرک مغلوب بر حاله کلدکلری کوسترمکده اولدیننی کبی، سوبش
قتالک او بر یاقه سندنه حالت نزع و احتضار ایچنده بولنان انکلیزلرک
عن قریب الزمان مصری غائب ایدوب، هندستانده کی تهکم جبارانه لرینک ده
زواله محکوم بولندیننی اشرا ب ایتمکدهدر. انکلیز آطه سندنه محصور
قالان مدتی انکلیز بالقجیلریله باز کانلرینک عظمت و جبروتلرینک
صوک کونلره ایریشدیکنی طبیعت اشیا و الحاقات کونیه علناً میدانه
چیقارمشدر. هر صعودک بر نزوله محکوم اولدیننه ایمان و قناعت

کتیرنلرجه، انکلیز نیک هر حالده کوچولوب زواله طوغری یوز
طوتدیننه دائر ذره قدر شه لری قالمشدر.

اتحاد و اخوت اسلامیه ایله امر مقدس جهسادک اهمیتنی قبول
ایتمک ایستیمانلره بومناظر حماست و شجاعتی کوسترمکله اکتفا ایدرز.
قرآن یر یوزنده باقی قالدقجه مسلمانلر محو و منقرض اولیه جقلر
وایدیابودیانت حقه سایه سندنه دشمنلری ازوب تباہ ایتدکن صوکره
عالی و محترم موقعلری محافظه ایلیه جکلردر. بنه علیه ده ایشک
- جهاد تأثیراتنک - باشلانغجنده یز. بر آرزوکره دهانه لر کوره جکلر؟

این هنوز اول آذار جهاف افروز است
باش تاخیمه زند لشکر ایلول وایار.

س. م. توفیق

شیون

ائتلاف مثله قارشی جهاد اسلام

مصر: تالیفات رسمیه:

۲۴ قانون ثانی: ایلری قطعاتی سوبش قنالتک شرق حوالیسنه واصل
اولشلر، انکلیز ایلری قره غولارینی قنال اوزرینه طره ایلشردر. بو
انسانده اسماعیلیه و قنطره جوارلرنده محاربات وقوعبولشدر. بومحاربات دوام
ایتمکدهدر.

§ ۲۶ قانون ثانی: مصر حرکات عسکریه سنی اجرا ایدن اردومن ایلری
قطعاتیه جولدن کمال موقعیت ایله بر کشف یورویشی اجرا ایلشدر. دشمن
ایلری قره غولاری قنال اوزرینه طرد ایدلش و حتی بعض پیاده بلوکارمن
قتالی (طوسوم) ایله (سرپیوم) آره سندن اوتیه طرفه ده ایچمکه موفق
اولشدر. دشمن حرب کیلرینک وزوهرلی واغولرینک آتشنه رعماً قطعاتی
بوتون کوندوز انساننده دشمنی اشغال و وسائط مدافعه سنی واضحاً کشفه
موفق اولدیلر. برانکلیز قروازوری طوپچمن طرفندن آغیر صورتده خسارزده
ایدلشدر. قوه اصلیه مرکز تعرض قطعیمی باشلانجه یه قدر ایلری قطعاتی قنالک
شرق ساحلنده دشمنله تماسی محافظه ایده جکلر و کشف وظیفه سنه دوام
ایلیه جکلردر.

قره دکن:

۲۶ قانون ثانی: دونامامزک بر قسمی بو کون (یالطه) لیمانی موقعیتله
بومباردمان ایتمش و دیگر بر موقعه ده بر روس واپورینی باطیرمشدر.

افطار

بلغارستان و رومانیاده کی قارنلرمزه: سبیل الرشاد آیونه بدلاتنی
فلبه ده بالقان اداره خانه سنه کوندرمکنز رجا اولنور.

اشرف ادیب